



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ლორთქიფანიძე ელენე დიმიტრის ასული



ე. ლორთქიფანიძე

ლორთქიფანიძე (ქალიშვილობის გვარი ყიფიანი) ელენე დიმიტრის ასული [19. V(1. VI). 1855, ქვიშხეთი, - 23. XI. 1890, ქუთაისი]; მწერალი, ჟურნალისტი, ბიბლიოფილი, თეატრალური და საზოგადო მოღვაწე. დ. ყიფიანის ქალიშვილი. XIX ს. 70-იან წწ-ში მონაწილეობდა ხალხოსნურ მოძრაობაში მეულესთან, ვეჟილსა და ბიბლიოფილ ა. ლორთქიფანიძესთან (1847-94) ერთად. იყო ქართველ ხალხოსანთა ქუთაისის წრის წევრი; ქუთაისის სათავადაზნაურო სკოლის ღარიბ მოსწავლეთა კომიტეტის თავ-რე (1880). მნიშვნელოვანი წვლილი შეიტანა ქართ. ხალხ. სიმღერებისა და სას. საგალობლების შეკრებასა და ნოტებით ჩაწერაში. იყო აღმანახ „ქართული ბიბლიოთეკის“ (ქუთაისი; 1883) ერთ-ერთი დამაარსებელი და რედაქციის წევრი. მისი ინიციატივით გამოიცა კრებ. „თარგმანნი საამო საკითხავთა თხზულებათა“ (1872), აგრეთვე თარგმანთა ორი წიგნი - „მოთხრობანი“ (1880, 1882). მონაწილეობდა

თბილისში, ქუთაისსა და ქვიშხეთში გამართულ თეატრ. წარმოდგენებში (შექსპირის „ვენეციელი ვაჭარი“, მოლიერის „ძალად ექიმი“, ა. გრიბოედოვის „ვაი ჭკუისგან“, გ. ერისთავის „უჩინმანის ქუდი“, გ. სუნდუკიანის „პეპო“ და სხვ.). ლ. თანამშრომლობდა ქართულ პრესასთან („დროება“, „ივერია“, „მნათობი“, „ნობათი“ და სხვ.), აქვეყნებდა სხვადასხვა ხასიათის თხზულებებს, ძირითადად თარგმანებს (მოლიერი, მოპასანი, ა. დოდე და სხვ.).

ლიტ.: თ უ მ ა ნ ი შ ვ ი ლ - წ ე რ ე თ ე ლ ი ა., ელენე დიმიტრის ას.
ლორთქიფანიძისა, „კვალი“, 1894, №45; მ ე ს ხ ი ლ., ღირსეული მამულიშვილი,
„საბჭოთა ხელოვნება“, 1965, №9; ტ ა ბ ი ძ ე ნ., ეტიუდები, თბ., 1986; ჩ ი ხ ლ ა ძ ე
ნ., ღვანლმოსილი ქართველი მანდილოსნები, თბ., 1976.

თ. ჯოლოგუა
